

讀通鑑綱目條記

讀通鑑綱目條記卷十

武進李真來紹仔

宋武帝永初二年

綱 宋主劉裕弒零陵王于秣陵

按綱目書弒故主者皆不地

齊主道成弒汝陰王齊主洋弒中山

王陳主勳先弒江陰王齊主堅弒介公爾義不繫于地也此與梁主

衍弒巴陵王于姑熟皆衍下三字

綱 葬晉恭帝于冲平陵

考異 提要葬上有宋字據凡例凡無統事各冠

以國號此條合從提要加宋字

書法 宋葬晉帝其不書宋何削之也身親弑焉而禮葬之以爲欺矣

按書法附會曲說綱目初無此等筆削也考異以爲當加宋字亦非此只是蒙上爲文省宋字耳 又按魏葬漢孝獻晉葬陳留王皆書皆以善終也齊葬汝陰王陳葬江陰王等皆不書弑也此亦春秋君弑賊不討不書葬之義此乃書葬晉恭帝則體例未盡一恐是未及檢正耳

三年宋主裕殂

目 檀道濟雖有幹畧而無遠志難御之氣也

按南史作非如兄詔有難御之氣也今刪去五字便似以難御之氣目道濟若以無字貫下則文意蹇吃不可句讀

質實 後秦高祖按載記姚萇自稱爲秦王及卒子興追尊爲高祖

按姚萇廟號太祖姚興廟號高祖

魏立子燾爲太子監國

目、高實姓拔拔斤姓達奚觀姓耶穆陵堆姓耶
敦時魏臣出代北者姓多重複及高祖遷洛始皆
改之舊史患其煩雜難知故皆從後姓以從簡易
今從之

此五十八字見通鑑注意是考異之支耶分注
以此列入正文似可不必

質寶 永興晉惠帝年號

按魏明元帝卽位改元永興蓋指清河王紹弒
道武帝事也與惠帝無涉

營陽王景平元年魏主嗣祖

質實 劉庫仁獨孤部人武之宗也

按武者謂鐵勿劉虎唐人避諱耳後人著書不當避前代諱也又劉庫仁有二所謂武之宗者乃是什翼犍時之劉庫仁非此劉庫仁也

文帝元嘉元年宋徐羨之傅亮謝晦廢其主義符

集覽 典籤按唐六典親王府典籤二人

按南史云故事府州部內論事皆籤前直敘所論之事後云謹籤日月下又云某官某籤故府

州置典籤以領之宋末多以幼少皇子爲藩鎮
時主以左右親近領典籤其權任遂重此是六
朝時故實不當反引唐六典

二年宋討徐羨之傅亮殺之

目 又言取京陵

按取當作拜

宋主親臨聽訟

集覽 三訊禮秋官小司寇以三刺斷庶民獄訟
之中一曰訊羣臣二曰訊羣吏三曰訊萬民

按每歲三訊謂每年三次親臨聽訟耳與周禮
三訊無涉

四年晉徵士陶潛卒

集覽 徵士猶言處士也行于徵而聞達者卽徵
也莊子士有九徵而不變則君子也

按潛嘗徵著作郎不就故云徵士耳集覽支謬
六年柔然統升蓋可汗大檀出走魏主追至涿邪山
質寶 南山卽終南山

按是時柔然絕跡西走魏追至涿邪山何得反

入終南

七年 宋以垣護之爲高平太守

集覽 高平括地志云高平故城在懷州河陽縣西北四十里徐廣曰汲冢紀年云魏哀王改宜陽曰河雍改向曰高平向在河內郡軹縣西

按通鑑本作北高平太守南高平是吾所置僑郡北高平治陸湖屬兗州非河內也

質實 武庫注見漢景帝三年

按景帝三年趙涉說亞夫抵洛陽有入武庫此

洛陽武庫爾質實于彼處乃無注宋之武庫又
與洛陽無涉

八年宋檀道濟救滑臺

集覽 高梁按齊世家桓公討晉亂至高梁服虔
曰晉地也杜預曰在平陽縣西南顏師古曰平陽
在東郡

質實 高梁後魏之縣名屬龍門郡後周移治玉
壁北齊置勳州云云

按此高梁亭非高梁縣也集覽質實所引乃在

今平陽府時宋魏相距在河南安得逾河而北
夏滅秦

質實 廣寧郡名注見周赧王四十二年修武

按西秦立國在金城河南此寧廣安得在河內
刺史蕭思話棄城走

質實 東陽郡名注見晉哀帝興寧三年彼注云
今之金華府

按宋青州刺史治東陽城今青州府益都縣是
也非金華府

九年宋益州人趙廣作亂

質質 陽泉山未詳處所

按沈約曰蜀分綿竹立陽泉縣屬廣漢郡

魏主攻燕圍和龍

集覽 攻羌郡胡固郡帶方郡

按通鑑燕尙書高紹帥衆保羌胡固魏主攻斬之羌胡乃固名固猶堡也以攻羌胡固爲二郡

大資嗚噓

宋謝靈運有罪誅

質實 三江口在蘇州府崑山縣西南九里禹貢
三江既入云云

接水經溫水出牂柯夜郎縣東至鬱林廣鬱縣
爲鬱水灘水出陽海山南過蒼梧荔浦縣又南
至廣信縣入于鬱封水出臨賀郡馮乘縣西牛
屯山西南流入廣信縣南流注于鬱水胡注此
三水所會之地謂之三江口是也是時靈運在
廣州與崑山之三江絕遠

十一年宋梁秦刺史蕭思話討楊難當破之

質實 潞頭未詳處所或疑卽礮碣也

按水經注漢水逕黃金南東歷敖頭舊立倉儲之所也在今漢陰縣境

十二年魏伐燕

質實 白狼城未詳處所

按漢右北平郡有白狼縣曹操伐烏桓登白狼堆石虎伐慕容皝自幽州至白狼皆興屯田晉太元十五年吳柱作亂入白狼皆卽此魏收志真君八年置建德郡治白狼城領廣都等縣縣

有白狼山白狼水

十六年柔然寇魏不克

質實 北鎮地名未詳處所

按胡注北鎮卽魏主破降高車所置六鎮也以
在平城之北故曰北鎮或曰北鎮直代都北卽
懷朔鎮

又 南山注見漢文帝三年彼注云卽終南山

按此南山蓋指平城以南之山非終南也

又吐頽山未詳處所

按在今大同縣境

魏主還平城

質實 溫水未詳處所

按水經注桑乾城西十里有溫湯

十八年宋以彭城王義康爲都督江交廣州軍事

曰 前龍驤將軍扶令育

按宋書育乃龍驤參軍將字誤也

楊難當寇宋漢川

質實 東洛疑地名未詳處所

按胡注五代志義城郡景谷縣舊白水縣也後周省東洛郡入焉予據白水縣漢屬廣漢晉屬梓潼時屬晉壽則東洛在晉壽界也

二十年宋立楊文德爲武都王

質寶 葭蘆城未詳處所惟延安府葭州西五里有葭蘆河岸多蘆葦故名

按通志城在階州將利故城東南七十里三國時姜維與鄧艾相持于此置葭蘆戍亦曰葭蘆城後爲仇池氏所據齊建元初沒于魏置葭蘆

縣及武陽郡治焉後周廢葭蘆蓋楊氏所迹據
之地此年文德屯葭蘆二十七年宋使文德從
兄頭戍葭蘆秦始二年楊僧嗣自立于葭蘆元
徽初魏將皮歡喜拔葭蘆皆卽此不得北至延
安也

魏主襲柔然

質實 鹿渾谷未詳處所

按胡注鹿渾谷卽鹿渾海之谷也直平城西北
其東卽弱洛水

二十二年魏伐吐谷渾

質實 寧頭城未詳處所

按胡注云當在白蘭東北

二十三年宋廢其彭城王義康爲庶人

目 宋有司奏削義康收付廷尉

按義康下誤剛得字

魏誅沙門

集覽 征鎮諸郡太守皆領征鎮或曰太守守土

而已征鎮者主征伐鎮守者也

按魏晉以來將軍有征鎮平安之稱無太守領
征鎮之事又征鎮是軍號不是專主征伐鎮守
二十五年魏山東飢

質實 山東古青兗二州地 本朝置山東等處
承宣布政使司

按魏書魏主行幸定州山東民飢啓倉賑之蓋
通指太行山以東不止古青兗二州也

二十七年

綱 宋人大舉侵魏

按諸國相侵伐桀不書人此人字似羨又輕行
曰侵此東西並舉聲勢甚盛似當書攻

質實 質谷未詳處所

按胡注常在盧氏縣南山之南

魏主進至魯郡

質實 馬頭山有二處一在應天府六合縣東北
三十五里一在滁州來安縣北七十里

按皆非也沈約志云馬頭郡故淮南當塗縣地
晉安帝立馬頭郡因山形而名

又 秦始皇石刻在濟南府泰安州北泰山秦觀
峯東南刻秦始皇封泰山制

按始皇二十八年上鄒嶧山立石頌德魏主白
東平趣鄒山所仆者鄒嶧石刻非泰山石刻也
封泰山制不知何語

魏及宋平

目 實欲繼好援

按原文實欲繼好息民永結姻援此所刪省援
上恐脫結字

元嘉二十八年宋令民遭寇者蠲其稅調

目 命將出師常授以成律交戰日時是以將帥
遄趨

按原文交戰日時下有亦待中詔四字蓋成律
是出師時所授交戰日時則臨時詔之故云待
也今去此四字乃似與成律並授者夫千里會
戰豈有預刻時日之理邪

集覽 州端州之佐也

按王子夏爲別駕故曰州端謂州佐之長也

二十九年宋攻碭不克而退

目 薛安都等向潼關

按南史質遣冠軍司馬柳元景帥後軍行參軍薛安都等進據洪關洪關卽水經注鴻關洛水歷陽華之山又東北歷峽謂之鴻關水是也在今洛南縣東分注誤洪爲潼又進據字不當改

向字

宋太子劭始興王濬巫蠱事覺赦不誅

質實 鬼物注見漢武元光五年物故

初處仍無注

按鬼物與物故何與

魏宗愛弑其君余

質實 三省謂中書省門下省尙書省

按魏以尙書侍中中秘書爲三省爾時未有門下

三十年宋太子劭弑其君義隆

日 衆驚愕莫能對久之淑弑皆曰

按南史及通鑑皆無久之二字不知分注何所據而增之甚非情事也

又 濬時在西川府聞臺內喧諫

按南史濬時在西州府舍人朱法瑜奔告濬蓋

濬自揚州入朝薨居西州西州在臺城西揚州

刺史治所也府舍人濬府之舍人

胡注自晉以來諸王府舍

人十分注誤州爲川又剛朱法瑜奔告事而誤

以府字屬上句

集覽 合殿在紫宸殿北杜甫紫宸殿退朝口號

香飄合殿春風轉

按南史晉世朝晏所臨東西二堂而已孝武末

年清暑方構永初受命無所改作所居惟稱西
殿文帝有合殿之稱無所謂紫宸也

質實 五洲山名洲本作州在鎮江府城西三十
里

按是時元凶在建康而孝武爲江州刺史故下
條分注云駿至尋陽移檄四方也不得遽至鎮
江水經注江水東逕江夏軼縣故城南南對五
洲江中有五洲相接故以爲名胡注當在今黃
州江州之間

又 巴水未詳處所

按水經注巴水出廬江雲婁縣之巴山南歷蠻中又南流注于江今謂之巴河在蘄州界胡注去年帝使沈慶之討蠻是年使武陵王駿統討蠻諸軍故慶之來詣駿咨受軍畧

宋劭殺其吏部尚書王僧綽

目 邵因誣北第諸王侯云與僧綽謀反殺之

按南史殺長沙王瑾瑾弟臨州王暉桂陽侯覲新瑜侯玠皆劭所惡也蓋北地諸王侯此四人

爲劭所惡故誣殺之非盡殺諸王侯也分注似不
宜盡刪

宋復以何尙之爲尙書令

目 尙之居劭朝用智將迎時有全脫

按通鑑劭欲盡殺雍荆江三鎮士民家口尙之
曰舉大事者不顧家且多是驅逼今誅其室累
正足堅彼意耳劭乃一無所問此所謂時有全
脫也分注削此事則于義爲疏

武帝孝建元年宋江州刺史臧質以南郡王義宣反

質實 南湖未詳處所惟安慶府治南有南湖

按通志南湖在武昌縣東八里一名五丈湖陶侃嘗作堤障之水常不竭宋臧質敗亡入南湖見殺處也今名羊欄湖

大明二年宋殺其中書令王僧達

集覽 專限闕闕明其等曰闕積其功曰闕專限闕闕者言不取賢而專計功次也

按此但謂專以門地爲重耳非計功次也胡注門在右曰闕在左曰闕

魏侵宋清口

質實 清口卽清水注見晉帝奕太和四年彼注
云在淮安府清河縣卽泗水之下流也分大小二
清河南達于淮

按胡注此清口非清水入淮之口乃濟水與汶
水合之口水經濟水東北過壽張縣西安民亭
南汶水從東北來注之注云戴延之所謂清口
也此時魏寇青州不得至淮安

又 沙溝未詳處所

按水經濟水又北過須昌穀城臨邑盧縣又東北與中川水合注云中川水與賓溪水合而北流逕盧縣故城東又北流入濟俗謂之沙溝

三年宋竟陵王誕反廣陵

質實 歐陽疑是郡縣名及地名未詳處所或疑歐陽字誤

按胡注歐陽卽今眞州開水經注吳城刊溝通江淮自永和中江都水斷其水上承歐陽引江入埭六十里至廣陵

四年宋以顏師伯爲侍中

目 師伯遽歛手曰幾作盧

按歛手本作歛子字訛也

五年宋雍州刺史海陵王休茂反

目 沈慶之曰漢明不使其子比光武之子云云

按此是沈懷文語誤作沈慶之

宋禁士族雜昏

質實 湖山莫詳處所惟濟南府章邱縣西南五

十二里下有湖山

按胡注水則入湖陸則阻山皆依阻爲盜賊也
湖山非山名

六年宋淑儀殷氏卒

質實 龍山太平府城南十里有龍山

按九域志江寧府有龍山山形似龍是也葬殷
淑儀安得遠至太平

明帝泰始元年宋弒其君子業

目 王或避主諱以字行

按通鑑以王景文爲尙書僕射景文卽或也避

上名以字行分注盡削前文云以字行而仍不著其字疎矣又此等處亦是詳所不必詳逕改上文僕射王彧爲王景文亦無不可上文彧卽位彧之妹本嫌相混也

二年宋分兵討豫州會稽

質實 殷琰孝祖之子

按南史琰乃孝祖從子是時孝祖委妻子于瑕耶身還建康安得更子據壽陽

宋太后路氏殂

目 太后延宋主置酒進毒宋主知之卽以其卮
上壽是日太后殂

書法 不書弑何罪不在宋主也

按此節分注蓋據宋畧及南史通鑑所不載考
異曰宋書無之故不取余按此于情事亦不合
綱從恒辭書殂當亦同溫公之意分注引此甚
無謂書法則又從而爲之辭

宋臺軍敗于赭圻

質實 鵲州未詳處所鵲尾渚名在廬州府舒城

縣治西北舊有鵲亭

按胡注鵲州在宣城界鵲尾在廬江界鵲洲則江中之洲也

又胡白二城未詳處所惟鳳陽府潁州城西北有胡城卽春秋胡子國未知是否

按通鑑孫冲之于胡白口築二城張興世攻拔之胡本作湖湖白口謂巢湖口及白水口也非胡子國

宋臺軍圍壽陽

目 殷琰使劉順督諸將據宛唐而以皇甫道烈
土豪柳倫臺使不受節度

按通鑑琰所遣諸軍並受順節度而以皇甫道
烈土豪柳倫臺之所遣順本卑微惟不使統督
二軍分注所剛乃至不可句讀

質實 宛唐疑是地名未詳處所

按宛唐通典作死虎水經注肥水又北右合閻
潤水水積爲陽湖陽湖水自塘西北逕死虎亭
宋秦始初劉順據之以拒劉劭卽此

宋臺軍克江州

質實 濃湖未詳處所

按胡注湖在鵲尾下

又 錢溪未詳處所

按新唐書地理志宣州南陵縣有梅根監錢官
陳慶之至錢溪軍于梅根今之梅根港是也以
有鑄錢監故名錢溪

又 洄沃未詳處所橫浦未詳處所

按洄沃橫浦非地名洄謂旋流沃謂伏流橫浦

謂錢溪之橫港耳

宋豫州平

目 楚軍將至

按楚當作魏

三年魏將軍慕容白曜侵宋青州

目 引兵僞退夜進攻之

按通鑑白曜夜中部分甲寅旦攻城食時拔之

分注云夜進攻之失實

宋以金贖義陽王昶于魏

集覽 二敬敬齋箴注主一之謂敬無適之謂一
正誤 是爲二敬今按劉昶先與宋主書爲兄弟
之儀而不答若又改而稱臣則是二其敬也

按集覽迂繆正誤亦非胡注曰旣稱臣于魏復
稱臣于宋是爲二敬也

五年宋以太尉廬江王禧爲南豫州刺史

目 以孝武謂之驢王徙封廬江

按謂禧爲驢王者是廢帝非孝武

秦豫元年宋蠻酋桓誕以汚北降魏

質實 大陽蠻未詳處所惟永州府城西二百四十里有大陽山未知是否

按此卽五水蠻也宋置大陽戍于蘄陽縣西此縣卽漢江夏郡蘄春縣也污水以北滄葉以南皆羣蠻所居今蘄州是

廣通鑑綱目條記卷十一

武進李述來紹仔

宋王昱元徽元年宋以晉熙王燮爲郢州刺史

質實 太汰疑是地名未詳處所

按南史休範傳本作太子汰

魏制河南六州賦法

質實 河南古豫州地 本朝置河南布政使司

領開封等七府

按魏之河南六州謂青徐兗豫齊東徐也不專

指古豫州地

二年宋江州刺史桂陽王休範舉兵反

目 休範白服登城

按通鑑休範白服乘肩輿自登城南臨滄觀以
數十人自衛所登者城南之臨滄觀非登城也
是時休範攻新亭壘兵方野次有何城可登邪
宋順帝昇明元年宋中領軍蕭道成弑其主昱

目 越郡校尉王敬則

按郡字誤當作騎

綱 魏詔工商賤族有役者止本部丞

按此條語意不全恐有訛脫尋魏詔本文以當時授官不分流品故詔凡工役之戶官止本部丞耳止字上或脫官字也

宋荆襄都督沈攸之舉兵江陵

目 謂元琰曰吾寧爲王陵死不爲賈克生

按通鑑蒼梧王遇弑主簿宗儼之功曹臧寅勸攸之因此舉兵攸之以其長子元琰在建康爲司徒左長史故未發蕭道成遣元琰以蒼梧王

劉劭之具示攸之攸之以道成名位素出已下
而一旦專制朝權心不平故謂元琰曰云云分
注悉刪去前事則謂元琰曰句驀然無端矣又
元琰攸之之子分注竟不敘明尤爲疎脫

集覽 寧爲王陵死漢高后欲立諸呂爲王以問
陵陵曰高帝刑白馬云云

按陵本作凌曹魏時不附司馬氏者分注訛作
陵集覽遂沿訛爲訓

齊高帝建元元年

綱 齊主道成弑汝陰王

按分注當有謚曰宋順帝五字誤脫

二年

綱 齊甬城汝南降魏

三年

綱 魏人圍甬城

按通鑑二年作角城三年作甬城胡注甬當作
角今轉改角爲甬非也水經注角城在下邳睢
陵縣南臨淮水後梁武帝置淮陽郡角城縣治

焉杜佑曰角城晉安帝義熙中置在宿遷縣界
永明三年魏禁讖緯巫卜

日 又嚴禁諸巫覡及委巷卜筮非經典所載者

按魏書詔諸巫覡假稱鬼神妄說吉凶及委巷

諸卜非墳典所載者嚴加禁斷初不言筮蓋卜

有方俗之不同

如灼馬牛骨及鷄卜之類

而筮無他法也通

鑑誤改諸卜爲卜筮分注遂仍之 又此所禁

讖緯則一皆焚之巫則禁其妄說吉凶卜則禁

其非墳典者而已非盡禁巫卜也綱直以禁字

貫下恐失之混

四年魏制五等公服

目 朱衣玉佩大小組綬

按魏書夏四月初制五等公服八月給尚書五等品爵已上朱衣玉佩大小組綬公服者朝廷之服朱紫緋綠青也朱衣玉佩出自賞給非關公服分注浪引後文以傳前制試思朱衣玉佩大小組綬何以分別五等邪

六年齊吳興飢

曰 愚又以便宜者非能于民力之外用天分地
率皆卽曰不宜于民方來不便于公名與實反有
乖改體

按原文愚又以便宜者蓋謂便于公宜于民也
竊見頃之言便宜者非能于民力之外云今剛
去蓋謂以下十七字則名與實反句無根當是
兩便宜字相混而寫者誤脫耳

七年齊中書監南昌公王儉卒

目 至是徵爲五兵尙書

按通鑑孝嗣時爲吳興太守徵爲五兵尚書今
剛時爲吳興太守句則徵字無着

九年魏主祥祭于廟

目 遂哭盡一夜

按一當作乙

十年

綱 魏罷租課

按南史作魏罷袒裸魏書作詔罷租課

此亦是袒裸之

誤耳惟通鑑作租課耳竊意租課無罷法通典通

考等書亦不言是年有罷租課事其義疑也依
闕疑之例此當削而不書

十一年齊中書郎王融有罪伏誅

集覽 難可輕襲衣裾史昭釋文曰襲毗祭反帛
也

正誤 難可輕襲衣裾按韻書襲敗衣也此襲字
从衣當與敝通言不可輕壞其身也以衣裾言者
謂曳而從之也襲雖或與幣通謂爲輕帛衣裾無
義

按史記孟荀列傳平原君襪席索隱云字林匹
結反韋昭云敷蓑反三蒼訓詁襪拂也謂側身
而行以衣襪席爲敬褻正與襪同趙壹云未嘗
以衣裾襪其門是也集覽正誤所解皆曲

綱 魏主追尊其父爲文帝

按魏當作齊

齊明帝建武元年齊蕭鸞弑其君昭業

集覽 道成廢順帝故粲欲誅道成

按袁粲之死在廢順帝前

三年魏改姓元氏

集覽 嵇元和姓纂云嵇本山名在亳州嵇康其先姓奚曾稽人後避怨徙居此山側因命氏焉

按代北八姓是稽非嵇

魏吐京胡反

目 詔元彬行汾州事討去之

按去字羨

四年齊殺其尙書令王晏

集覽 阿戎思遠小字

按六朝人多呼弟爲阿戎非字也

齊以劉季連爲益州刺史

目 丙仗遙欣外倚后弟劉暄內弟江祐

當作祐

故

以遙光爲揚州遙欣爲荊州

按通鑑上以諸子尙幼內親則仗遙欣兄弟外

親則倚后弟西中郎長史劉暄內弟太子詹事

江祐故以遙光爲揚州刺史居中用事遙欣爲

都督荆雍等七州諸軍事荊州刺史鎮據西面

今遙欣下刪兄弟字則下文遙光遙欣並序矣

然無根又內親外親猶云同姓異姓其實暄祗
並爲內官也兩親字不可刪又爲揚州爲荊州
下刪居中用事鎮據西面數語則仗字意不出
永泰元年齊大司馬王敬則反會稽

目 敬則五官王公林

按五官五官掾也掾字不可刪

又 敬則以奉南康侯子恪爲名子恪亾走未知
所在

按通鑑原文前吳郡太守南康侯子恪疑之子

也敬則起兵以奉子恪爲名子恪亡走蓋是時
子恪雖罷郡尙在吳郡故敬則自會稽向建康
就奉子恪爲主而子恪已自詣建康必書前吳
郡太守者著敬則所以奉之之故也書疑之子
者爲下文盡誅高武子孫張本也分注概刪之
乃令前後端緒不復可尋

齊主寶卷永元元年始安王遙光起兵東城

質實 東城注見漢高五年彼注云九江郡東城
縣在濠州定遠東南五十里

按此東城乃建康之東府城也晉會稽王道子領揚州宅在州東故曰東府輿地志東府城晉安帝時築

又月數十日乃一報

按月當爲閏

目遙光懼陽狂稱疾不復入臺謀舉兵以討劉
暄爲名夜遣數百人破東冶出囚于尙方取仗

按是時遙光弟豫州刺史遙昌率部曲皆歸遙
光又遙欣喪還荊州衆力送者甚衆遙光收集

二州部曲據東府城分注削之乃似遙光兵篋
是東治之凶疎矣又綱中明云舉兵東城分注
絕不一及後文忽云至夜城潰則所潰者何城
邪分注徒以簡省字數爲事于前後文理漫不
檢會往往如此

目 以孝嗣爲司空文季坦之爲僕射

接通鑑加沈文季鎮軍將軍侍中僕射如故蓋
文季在明帝時已爲僕射又明帝遺詔有以沈
文季江祐爲左右僕射之命非至此時始與坦

之同爲僕射也 又遙光舉兵遣人掩取坦之
坦之露袒踰垣入臺遙光又掩取尙書左僕射
沈文季于其宅欲以爲都督亦會文季已入臺
及詔討遙光坦之帥軍屯湘宮寺文季與徐孝
嗣戎服共坐南掖門上故賞平遙光之功而進
三人官分注于前文盡削文季事并姓名亦未
一見則此處論功惜不知何故矣

九月魏主謁長陵

質實 一統志云長陵魏文帝陵在汝寧府汝州

東南大龍山顛

按胡注長陵在溇西

三年齊遣將軍崔慧景將兵討壽陽

自 慧景濟江遣使奉江夏王寶克爲主

按寶克時爲南徐兗二州刺史鎮京口故慧景自廣陵濟江奉以爲主寶元遂開門納慧景分部衆軍隨慧景向建康及寶元旣敗曲赦南徐兗二州以寶元爲二州刺史從叛者多也胡注崔慧景自南兗州還兵而南徐州之人從之故

曲赦此說非也南徐州人從之宜赦也自南兗
還兵與南兗人何與乎江夏王上當補南徐兗
二州刺史七字文義乃周

質寶 龍尾山名在應天府句容縣東南四十五
里狀若龍尾

按此是蔣山之龍尾道非山名也胡注築道陂
隄以上若龍尾之垂地因名是時慧景已攻建
康安得尙在句容

綱 齊曲赦建康徐兗

按通鑑所赦者乃南徐兗二州時徐州治鍾離
兗州治淮陰與慧景之叛不相涉此當脫南字
也又建康非州南徐兗乃州名二州字亦似不
宜削

齊和帝中興元年魏以北海王詳爲司徒

日 以司空長史于忠肅直忿之忠曰人生自有
定分若應死于王手避亦不免若其不爾王不能
殺

按北史詳罵忠曰我憂在前見爾死不憂爾見

我死時也。出口人生云云。今刪詳語。則死于王手。王不能殺等語。突然不解所謂。

綱 自爲大司馬承制

按分注。依晉武陵王遵承制故事。晉安帝元興二年。劉裕稱受密詔。以武陵王承制。總百官行事。此所謂故事者。卽總百官行事之故事也。承制二字。合下爲文。似不可單舉。

齊大司馬執豫州刺史馬仙琕

集覽 薦璧薦進也。璧玉也。古者贊見之禮。必有

所執公侯伯子男執玉是也

按此薦璧猶言銜璧耳

梁天監四年伐魏次于洛口

質實 洛口注見漢高后三年

按此亦誤以洛澗水爲洛水辨已見晉簡文帝
咸安八年

五年魏豫州刺史陳伯之叛復歸梁

集覽 梁城縣屬河南括地志云故城在今汝州
梁縣西十五里

質實 梁城在徐州碭山縣東二十里秦爲碭縣
漢改梁國今廢

按晉孝武太元中僑立梁郡于淮南壽春界故
有梁城其地在壽陽東北鍾離西南

梁取宿預梁城小峴合肥等城

質實 東陵疑是地名未詳處所

按水經注廬江金蘭縣西北東陵鄉大蘇山灌
水之所出姚思廉梁書時魏守覽城去東陵二
十里東陵蓋鄉名也

又 羊石疑是地名未詳處所

按羊石卽天監二年魏以陳伯之爲江州刺史
屯陽石之陽石也胡注曰當在廬江西北霍邱
東南

又 固城未詳處所

按卽抱犢固在郟縣界

魏徵邢巒還

質實 道人洲莫詳處所惟天長縣東三十五里
有道人山

按胡注道人洲在邵陽洲之東今爲臨淮縣地
非道人山也

魏以羊祉爲梁州刺史

集覽 漢李勢其先李特子晉惠時入蜀子雄僭
卽帝位國後蜀雄子期期子壽壽子勢

按李雄稱帝國號成李壽始改號口漢壽是雄
從弟非期子

六年大敗魏師于鍾離

目 諸壘土崩水死者十餘萬

按原文作投水死者十餘萬投字不可省或誤脫也

七年魏主殺其叔父彭城王勰

目 召勰入晏禁中至夜皆醉各就別所消息

按通鑑召勰及高陽王雍廣陽王嘉清河王懌廣平王懷高肇俱入宴分注刪去雍等則下文皆字各字文義不完

十四年大寒淮泗皆冰

考異 提要大上有梁字按前書大旱大水皆冠

以國當從提要

按此從春秋梁山崩之例爲天下記異耳不當有梁字普通元年江淮海溢同此

十六年魏制諸錢新舊通行

集覽 鷄眼錢之名縑鑿錢之名

按此非錢名鷄眼謂錢薄小其狀如鷄眼縑鑿謂鑿好取銅僅存其肉如環也

十七年魏主始月一視朝

集覽 殖不思之冥業殖立幽冥中功業也不思

猶言無量無邊金剛經其福德不可思量

按語意不思想者恍惚無據之謂非不可思議也
又釋奠成均周禮大胥曰云云凡五百六十字
按此甚冗蔓無謂

綱 魏補三字石經

目 初洛陽有漢所立三字石經屢經喪亂初無
損失及魏馮熙常伯夫爲洛州毀以建浮圖遂入
頽落

按此節所書者綱目所據者通鑑通鑑所據者

魏書馮熙崔光兩傳馮熙傳云熙除車騎大將軍開府都督洛州刺史洛陽雖經殘破而舊三字石經宛然猶在至熙與常伯夫相繼爲州廢毀分用大至頽落崔光傳曰神龜元年夏光表曰尋石經之作起自炎劉繼以曹氏

北史刪此句非也

初乃三百餘載計未向二十紀矣昔來雖屢經戎亂猶未大崩侵如聞往者刺史臨州多構圖寺官私隱顯漸加剝撤由是經石彌滅文字增缺今求遣國子博士一人專主周視料閱碑牒

所失次第量厥補綴詔一依尤表按照熙傳言三

字石經而不及一字石經者魏晉以來皆承訛

以三字爲漢石經

蓋是時爲考據碑刻之學者少日見既難傳聞或耳食故

范蔚宗劉芳羊銜之等皆云然洪适胡三省等辨之已詳茲不縷述

故舉漢以諒

魏崔光表則合漢魏言之則所請補綴者兼三

字一字也而專屬之三字疎矣戴延之西征記

國子堂前刻碑今有十八板存餘皆崩太學前

碑石質猶多崩敗延之從劉裕西征其時在魏

泰常二年已云爾馮熙爲洛州刺史在興光太

安時去泰常三十餘年中間又經兵火光表云
猶未大崩侵可見毀壞已多而乃云初無損失
蓋蔽于馮熙傳宛然猶在之文而不察其實也
又是時雖詔依光表會元義之亂其事遂寢則
仍未補治也綱遂書補石經以無爲有矣竊謂
當去三字二字而加詔字于補字之上似爲得
之書法乃云未卒事而書之嘉尊經也此時并
未起事何云卒事若書詔補則尊經之意亦著
而又不失事實豈不可邪

尊通四年柔然王阿那瓌執魏使者

質實 于謹代人栗磾之子

按魏書謹乃栗磾六世孫

五年梁取魏建陵曲木琅玕等城

質實 曲木城名未詳處所

按曲木當作曲沐水經注沐水邊建陵縣故城
東又南逕陵山西魏立大堰遏水西流兩瀆之
會置城防之曰曲沐戍

又 狄城注見秦二世元年彼注云青州臨濟縣

本狄縣也

按水經注肥水自狄邱過漢九江成德故城西
又北入芍陂此狄城卽狄邱也此時梁魏相持
于淮上安得至青州狄城甕城皆在今青陽合
肥界

又 黎漿未詳處所

按水經注芍陂濱水東注黎漿水水東經黎漿
亭南又東注肥水

又 司吾城未詳處所

按漢東海郡司吾縣之故城也

魏朔方胡反

質實 統萬古地名今爲延安府

按統萬卽勃勃所築今之寧夏非延安

六年岐雍隴東皆平

質實 黑水莫詳處所按一統志惟漢中府城固縣西北有黑水未知是否

按水經注就水出南山就谷歷竹圃北與黑水合水上承三泉就水之右三泉奇發言歸一瀆

北注就水又北流注于渭紀要云延伯軍馬崑而渡黑水挑戰蓋越渭水而南又渡黑水而西也馬崑在今興平縣黑水在今整屋縣

六年魏徐州刺史元法僧反

質實 文陵魏宣武帝之墓

秦宣武帝葬景陵文陵乃孝文帝陵也

梁豫章王綜叛降魏

質實 太宗陵在鎮江府丹陽縣東二十四里

按齊無太宗綜是東昏吳妃所生後奔魏呼蕭

寶寅爲叔父此當是拜明帝陵也

八年葛榮襲殺魏都督章武王融廣陽王深

目 葛榮既得杜洛周之衆

按葛榮并杜洛周在魏孝明帝武泰元年此時
所得乃鮮于修禮之衆也分注蓋仍通鑑之誤